

## **Antiqvae Lectionis Tomus ...**

Bipartitvs, In Qvo L. Vetera Monvmenta, Nvnqvam Visa, Pavclis Exceptis -  
Quorum Catalogum versa pagina indicat

**Canisius, Heinrich**

**Ingolstadii, 1604**

Lectori Salvtem.

---

[urn:nbn:de:hbz:466:1-64177](https://nbn-resolving.de/urn:nbn:de:hbz:466:1-64177)

LECTORI SALV-  
TE M.

**H**Abes, eruditæ Lector, Antiquæ  
lectionis Tomum Quintum. Qui  
si prioribus præstantior & opulen-  
tior tibi videatur, ut non iniuria  
videbitur, est quod gratias agas Reuerendissi-  
mo, & Illusterrimo Principi ac Domino BER-  
NARDO, celeberrimi Monasterij S. GALLI,  
apud Helvetios Antistitireligiosissimo; ex cuius  
in signi, vetustisq; membranis referta bibliothe-  
ca, pleraq; monumenta, qua nunc vulgamus,  
de prompta sunt; & foras exire iussa in tuum,  
mi lector, commodum, Catholicaq; Religionis  
emolumentum & incrementum, planeq; confido  
fore, ut ex eodem S. GALLI thesauro non modi-  
cis thesauris locupletetur quoq; Tomus Sextus,  
quem iam typis adorno.

In quo quidem labore, laboris & sumptus  
non exigui, nihil aliud spectatur, quam ut ne  
tam eximia melioris sui reliquia puluere, situq;  
& ti-

AD LECTOREM.

Et tinearum dentibus euicta, tandem penitus  
intereant: Deinde, ut qui à Catholica, Roma-  
naq; fide auijerunt, his quasi indicibus discat;  
vnde exciderint, Et quò reuertendum sit, si sa-  
lutem consequi velint. Interroga generationem  
pristinam, monet ille, & diligenter inuestiga Pa-  
trum memoriam; (seu, ut vertunt, qui omnia  
inuertunt & peruertunt, deque nulla re minus  
solliciti sunt, quam de semitis suorum patrum.)  
Interroga, obsecro, ætatem priorem, & sollicito  
animo inuestiga patres eorum. Causa gemina  
mox additur, cur hoc faciendum sit. Quianos  
hesterni sumus, & ignoramus, quoniā sicut vni-  
bra dies nostri sunt super terram. Et ipsi docebūt  
te, loquentur tibi, & de corde suo proferent elo-  
quia. Seu, ut hesterni transferunt, ερωτήσου. An  
non ipsi docebunt te, & dicent tibi, atq; ex corde  
suo proferent verba? Interrogemus ergò S. Gal-  
lum, quam Religionem professus sit; quam fidē  
accolis Acroniani lacus annunciarit; quam fi-  
dem eo ipso in loco, ubi nunc urbs & Monaste-  
riū S. Galli, plantarit; cuius fidei efficacia tot  
miracula patravit; ipsasq; efferas feras ad leni-  
tate inflexerit, & cicurarit. Interrogemus, in-  
quam,

H C M S J J  
S IV  
27

PRÆFATIO

quam, S. Gallum, quam fidem tenuerit: nos enim hesterni sumus. Lutherus, Zwinglius, Caluinus, alij Nouatores, hesterni sunt, nouitij, pronupsati & nati. Ipse S. Gallus tam antiquus, tam miraculis conspicuus, ipse inquam, nos, tanquam pater, doceat; ipse de corde suo eloquia proferat. Et quid aliud nos docebit, quid aliud sancto de pectore promet, quam se Catholicam, Apostolicam, Romanam q̄ fidem in lacus Acronianis finibus seuisse; sat tam rigasse, rigata eō perduxisse, ut latissimos, uberrimosq; fructus ferret, longeq; ac latē diffunderet, donec tandem hesterni isti, vel summum nudiustertiani, segetem tam felicem demessuerunt, & in locum eius lappas ac tribulos & zizania infesta inimici hominis manu quondam iacta, substituerunt.

Interrogemus S. Magnum, Theodorum, Notkerum, Bedam, Althelnum, Alcuinum, Theodulphum, Modonum, Ruricum, Desiderium, Sedatum, Halitgarium, Columbanū, Adamanum, alios, quid aliud nos docebunt, quid aliud dicent nobis, quid aliud proferet de corde suo, quam Lutherum, Zwinglium, Caluinum,

AD LECTOREM.

uinum, & similes huius classis, deceptores, ac impostores esse. Vbi enim in horum lucubrationibus vel tenuis umbra noui istius Euangelii appetet? Omnia plena sunt Monachis, monasteriis, sacerdotibus, Episcopis, signo Crucis, Sæctorum imaginibus, Reliquiis, Inuocatione, cultu, precibus pro defunctis, Sacrificio Missæ, & huius generis sexcentis aliis: nihil hic de prædicantibus & ministris, omnium prædicatorum immanissimis & iuratisimis hostibus. An equum est ut veteres illos, qui sanctimoniam & integritatem suam tot rebus supra natura vires gestis comprobarunt, deseramus, & his hesternis aures præbeamus? At obstat id, quod iam recitauimus diuinæ scripturæ oraculū, cohortans, imo etiam atq; etiam mandans, ut interrogeremus ætatem priorem, illam videlicet, qua ante istos noui euangely praæcones extitit, diligenterque investigemus Patrum memoriam, nam qui se se euangelicæ veritatis assertores & reformatores profissentur, hesterni sunt, et in densissimis ignorantiae tenebris versantur. Cur illis fidem haberes, veteribus neglectis?

At promittunt hesterni isti veritatē. Scilicet  
(b) cœteris

PRÆFATIO

cet veteres, ad quos, tanquam ad Magistros & praeceptores, sacre litera nos ablegat; veritate caruerunt. scilicet S. Gallus, S. Magnus, eorumque discipuli; S. Columbanus, & alij, veritate auditos suis, quos ab Ethnica superstitione abstractos Christiana religionis mysterijs imbuebant, non tradiderunt, nec Christianos effecerunt; sed ab errore in errorē induxerunt, donec hesternus dies besternos istos Rabbinos orbis pepit. Interea perperā euāgelizabatur, ut cum Tertulliano lo-

Tertul. li.  
de prescri.  
c. 2.

quar, perperā credebatur, tot millia milliū poperā tincta, tot opa fidei poperā administrata, tot virtutes, tot charismata poperā operata, tot sacerdotia, tot ministeria perperā fūcta, tot deniq̄ Martyria perperā coronata; Aut si nec perperā, nec in va-

cū, quale est, vt ante res Dei curreret, quā cuius Dei notū esset? ante Christiani, quām Christus in-  
vētus? (quia nō ab antiquis illis, Gallo, Magno,  
Theodoro, & id genus aliis inuētus est, si vera  
nobis isti Nouatores canunt, sed à Lutherō,  
Caluino, Zwinglio) ante hæreses, quā vera do-  
ctrina? Sed enim in omnibus veritas imaginē antecedit: postremo similitudo succedit. Cæterum satis ineptū, vt prior in doctrina hæresis habeatur vel quoniā ipsa est, quæ futuras hæreses & cauen-

das

AD LECTOREM.

das prænunciauit. Sed his valere iussis, qui standibus ruinā, non autē facētibus eleuationē operātur, ut idē Tertul. ait: Interrogemus, Prophetæ iussu, de semitis antiquis, quæ sit vía bona, & ambelemus in ea, & inueniemus requiem animabus nostris. Meminerimus dierum antiquorum, co-  
Hier. 6.  
gitemus generationes singulas. interrogemus paterē nostrū, & annunciat nobis, maiores nostros, & dicent nobis. Deut. 32. Quod si sedulō preſtemus, nihil loci apud nos aut inueniet, aut retinebunt, noui recentesq; iſti Euangelistæ, quos nec coluerunt, nec agnouerunt Patres nostri.

Verūm hac hactenus. Finiā, amice Lector, si te prius monuero, Auctores prima partis huius Tomi deberi admodum Reuerēdo, & de Ecclesia Dei optimè merito, indiesq; adhuc benē merenti Patri Antonio Possevino Societatis Iesu Theologo, qui eos post mortem clarissimi Interpretis Francisci Turriani, quasi pupillos, suam intutelam recepit; tandemq; ad nos per nobilem & amplissimum Dominum Marcum Velerum II. Virum Augustanum cum aliis veterum lucubrationibus euulgandos transmisit. Vale.

(b) 2

AP-